

## 小学生春节简单古诗

1.  
岁岁逢除夜，家家办酒觞。留穷殊不恶，却老更无方。夕漏馀寒滴，春灯候曙光。静听童稚喜，犹忆少年狂。——朱朴《壬寅除夜》

2.  
玉漏斯须即达晨，四时吹转任风轮。寒灯短烬方烧腊，画角残声已报春。明日便为经岁客，昨朝犹是少年人。新正定数随年减，浮世惟应百遍新。——方干《除夜》

3.  
迢递三巴路，羈危万里身。乱山残雪夜，孤烛异乡人。渐与骨肉远，转于奴仆亲。那堪正漂泊，来日岁华新。——孟浩然《除夜》

4.  
今年春色胜常年，此夜风光最可怜。鵙鹊楼前新月满，凤凰台上宝灯燃。——崔液《上元夜六首》

5.  
鸣珮随鹓鹭，登阶见冕旒。无能裨圣代，何事别沧洲。闲夜贫还醉，浮名老渐羞。凤城春欲晚，郎吏忆同游。——卢纶《元日朝回中夜书情寄南宫二故人》

6.  
一年滴尽莲花漏，碧井酴酥沉冻酒。晓寒料峭尚欺人，春态苗条先到柳。佳人重劝千长寿。柏叶椒花芬翠袖。醉乡深处少相知，只与东君偏故旧。——毛滂《玉楼春·己卯岁元日》

7.

旅馆寒灯独不眠，客心何事转凄然？故乡今夜思千里，霜鬓明朝又一年。  
——高适《除夜作》

8.  
一片彩霞迎曙日，万条红烛动春天。——杨巨源《元日呈李逢吉舍人》

9.  
旅馆谁相问，寒灯独可亲。一年将尽夜，万里未归人。寥落悲前事，支离笑此身。愁颜与衰鬓，明日又逢春。——戴叔伦《除夜宿石头驿》

10.  
人家除夕正忙时，我自挑灯拣旧诗。莫笑书生太迂腐，一年功事是文词。  
——文徵明《除夕》

11.  
去年除夕遥怜汝，今岁酒觞期对举。谁知人事苦好乖，百里相望竟成阻。  
去年虽深兄弟思，儿女抱负有母慈。今年已作生死隔，恸哭无地天使之。  
哀哉一官竟何直，南北由人长役役。属儿无恨弟勿嗟，来岁田庐当毕集。  
——赵蕃《除夕万安寄成父并示儿女》

12.  
今夕为何夕，他乡说故乡。看人儿女大，为客岁年长。戎马无休歇，关山正渺茫。  
一杯椒叶酒，未敌泪千行。——袁凯《客中除夜》

13.  
乾坤空落落，岁月去堂堂。末路惊风雨，穷边饱雪霜。命随年欲尽，身与世俱忘。  
无复屠苏梦，挑灯夜未央。——文天祥《除夜》

14.  
故节当歌守，新年把烛迎。冬氛恋虬箭，春色候鸡鸣。兴尽闻壶覆，宵阑见斗横。  
还将万亿寿，更谒九重城。——杜审言《除夜有怀》

15.  
三百六十日云终，故乡还与异乡同。非唯律变情堪恨，抑亦才疏命未通

。何处夜歌销腊酒，谁家高烛候春风。诗成始欲吟将看，早是去年牵课中。——周弘亮《故乡除夜》

16.

天地风霜尽，乾坤气象和；历添新岁月，春满旧山河。梅柳芳容徧，松篁老态多；屠苏成醉饮，欢笑白云窝。——叶颙《已酉新正》

17.

早岁西游赋子虚，暮年负耒返乡间。残躯未死敢忘国？病眼欲盲犹爱书。朋旧何劳记车笠，子孙幸不废菑畬。新年冷落如常日，白发萧萧闷自梳。——陆游《新年书感》

18.

除夕更阑人不睡，厌禳钝滞迎新岁；小儿呼叫走长街，云有痴呆召人买。二物于人谁独无？就中吴侬仍有余；巷南巷北卖不得，相逢大笑相揶揄。栎翁块坐重帘下，独要买添令问价。儿云翁买不须钱，奉觞痴呆千百年。——范成大《卖痴呆词》

19.命随年欲尽，身与世俱忘。——文天祥《除夜》

20.

扫除茅舍涤尘嚣，一炷清香拜九霄。万物迎春送残腊，一年结局在今宵。生盆火烈轰鸣竹，守岁筵开听颂椒。野客预知农事好，三冬瑞雪未全消。——戴复古《除夜》

本文链接：<https://duanjuziku.com/duanjuzi/a2a09x5nsa.html>